

ԳՐԱԿԱՆ

ՏԱՂ ԳԵՂԵՑԻԿ ԾՆՆԴԵԱՆ ՏԵԱՌՆ

(Զեռագիր Տաղարանի մը փառում)

Կայր Կոյսն ի յայրին,
կայր եւ երկնանայր,
Կամէր ծընանել
զկեանս ազգի մարդկան.
Կոյսըն ծընանէր
զկեանս ազգի մարդկան.

Կայծակնասեսիլ
կարմրափայլ ամպոյն
Կացեալ սիւն լուսոյ
կանգնեալ ի վերուս,

Կարեւոր խմբից
կանչեն ի յերկնից
Կենարար ծընաւ
կեցուցիչ բազմաց.

Կերպ մի ի զընդէն,
կարգ մի ի քրոցն

Կանչեն առ հովիւս
կարեւոր կոչմամբ

Կըրկնեալ առ նոսա
կրթական մըսաւ
Կարեւոր յուսով
կանխեալ ի յերկնուս:

Կոչէր խորհրդով
կարապետին մայր

Կախաւէր փութով
կարեւոր պառան.

Կոյսըն ծընանէր,
Կոյսըն ծընանէր:

Կորուսեալն եւա
կողոպտեալ կենաւ

Կանգնեցաւ ի վեր
կայր մօտ առ Կուսին

Կոչեանեալ անձամբ
կորափիտ կերպիւ

Կանգնեցաւ ի վեր
ի կործանմանէն.

Կոյսըն ծընանէր,
Կոյսըն ծընանէր:

Կարմրաւոս այսիւք
կապուսակ շքամբք

Կոնոպեալ հերաւ
կայքէր արտառուաւք,

Կեղկեղեալ մարմնով
կարկառէր զբազուկսն

Կընէր զասամունսն
կոծէր յոյժ ըզկուրծսն:

Կանչեալ մեծաձայն
կոչէր զնախահայրն

Կանգնեալ Աղամայ
ի կործանմանէն.

Կողկողէր բազկաւ
կրոչէր արտառուաւք.

Կենարար Փրկիչ
կեցոյ զկործանեալս.

Կոյսըն ծընանէր,

Կոյսըն ծընանէր:

Կայքելով հովուական
կոչաւէր զառանց

Կապուսակ ուլիցն
կումբ առեալ կայքեն.

Կէտք են երկուցեալ
կայսաւք են սարսեալ

Կարկեալք գետք զդէմս
կոծեն ծովք ալեաւք.

Կայր Տէրն ի վերայ
կապուսակ գետոյն,

Կամէր մկրտել
կարապետին բազկաւ.

Կայր Հայր ի վերուս,
կանչէր Յովհաննէս.

Կա՛յ դա իմ որդի,
կամաց կասարող.

Կայր եւ Սուրբ Հոգին
կապուսակ ամպով

Կայծակնագունով
կերպիւ աղանոյն.

Աղաւթնէ Հայր Տէր, որդի Միածին
Հոգին հոգաւիտ յաւիտեանս ամէն: